

**ვამტკიცებ**

ა(ა)იპ წმინდა ალექსი შუშანიას სახელობის  
მართლმადიდებლური სკოლა-გიმნაზიის  
დირექტორი ნინო ჯანჯღავა

---

ბრძანება №314; 28 დეკემბერი, 2018წ.

ა(ა)იპ წმინდა ალექსი შუშანიას სახელობის მართლმადიდებლური  
სკოლა-გიმნაზიის  
მშობელთა სათათბიროს  
დებულება

## სარჩევი

1. ზოგადი ნაწილი .....	3
2. მშობელთა სათათბიროს მიზნები და ამოცანები .....	3
3. მშობელთა სათათბიროს უფლება-მოვალეობები .....	3
4. მშობელთა სათათბიროს შემადგენლობა და არჩევნები.....	4

## 1. ზოგადი ნაწილი

- 1.1. ა(ა)იპ „წმინდა ალექსი შუშანიას სახელობის მართლმადიდებლური სკოლა-გიმნაზიის“ (შემდგომში - სკოლა-გიმნაზია) მშობელთა სათათბირო წარმოადგენს მშობელთა ნებაყოფლობით გაერთიანებას;
- 1.2. სკოლა-გიმნაზიის მშობელთა სათათბირო თავის საქმიანობაში ხელმძღვანელობს საქართველოს კანონით „ზოგადი განათლების შესახებ“, სათათბიროს წევრების, პედაგოგიური საბჭოს, სკოლა-გიმნაზიის დირექტორისა და კლასის დამრიგებლის რეკომენდაციებით.

## 2. მშობელთა სათათბიროს მიზნები და ამოცანები

- 2.1. მშობელთა სათათბიროს მიზანია საგანმანათლებლო პოლიტიკის განხორციელების ხელშეწყობა როგორც სასკოლო გარემოში, ასევე სკოლის გარეთ;
- 2.2. მშობელთა სათათბიროს ამოცანებია:
  - 2.2.1. განამტკიცოს სკოლა-გიმნაზიასა და ოჯახს შორის უწყვეტი კავშირი. ხელი შეუწყოს სკოლის კულტურის გამდიდრებას და მის განვითარებას;
  - 2.2.2. ითანამშრომლოს სკოლა-გიმნაზიასთან მოსწავლეების ქრისტიანული ღირებულებების მქონე, ქვეყნის კულტურული მემკვიდრეობის დამცველ, მოაზროვნე და თავისუფალ პიროვნებად ჩამოსაყალიბებლად;
  - 2.2.3. დაეხმაროს სკოლა-გიმნაზიას არაფორმალური განათლების, მოსწავლეთა თავისუფალი დროის ორგანიზების, სპორტული ღონისძიებებისა და საკლუბო მუშაობისათვის საჭირო პირობების შექმნაში;
  - 2.2.4. დაეხმაროს სკოლა-გიმნაზიას მიზნობრივი, დამატებითი ფინანსების მოძიებაში(გრანტი);
  - 2.2.5. ხელი შეუწყოს მშობელთა ჩართულობას ბავშვის განათლების პროცესში, როგორც სრულყოფილებიან პარტნიორებს;
  - 2.2.6. მონაწილეობა მიიღოს სკოლა-გიმნაზიაში სათანადო სანიტარულ-ჰიგიენური პირობების შექმნაში და მატერიალურ-ტექნიკური ბაზის გამდიდრებაში;
  - 2.2.7. იზრუნოს სკოლა-გიმნაზიის იმიჯისა და რეიტინგის გაზრდაზე საზოგადოებაში.

## 3. მშობელთა სათათბიროს უფლება-მოვალეობები

- 3.1. მშობელთა სათათბირო იკრიბება სხდომაზე სემესტრში სულ მცირე, ერთჯერ. რიგგარეშე შეკრება შესაძლებელია არანაკლებ ხუთი მშობლის მოთხოვნით;
- 3.2. მშობელთა სათათბიროს უფლება აქვს შეიმუშავოს რეკომენდაციები სასწავლო-აღმზრდელობით პროცესთან დაკავშირებით და განსახილველად წარუდგინოს სკოლა-გიმნაზიის დირექტორს;
- 3.3. სკოლა-გიმნაზიის დირექტორი სკოლის პოლიტიკისა და საჭიროების გათვალისწინებით განიხილავს ამ რეკომენდაციებს პედაგოგიური საბჭოს სხდომაზე.

#### **4. მშობელთა სათათბიროს შემადგენლობა და არჩევნები**

- 2.3. მშობელთა სათათბიროს შემადგენლობა განისაზღვრება თითო კლასიდან თითო მშობლით;
- 2.4. მშობელთა სათათბირო აირჩევა ერთი წლის ვადით;
- 2.5. მშობელთა სათათბიროს არჩევნები ტარდება სასწავლო წლის დასაწყისში;
- 2.6. მშობელთა სათათბირო თავისი შემადგენლობიდან ირჩევს თავმჯდომარეს და მდივანს ღია კენჭისყრით, ხმათა უმრავლესობით.